

حيات

حيات را نما حیات... دریا به راهها چرخ حیات قاتل...!

- نجه -

اداره مرکزی :

آقره ده ، آقره ده استانبول جاده سنده آقره
معارف امینکی پانده کی دایره

استانبول بورسی :

استانبولده ، باب عالی جاده سنده رسمی پرشیه
اداره خانه سی داخلده کی دایره
تلفون : ۳۶۰۷

نسخه سی هر برده ۱۰ غروردر .

سنه لکی پوسته ایله ه لیرا .
(اجنبی مملکتلر ایچین ه دولار) .

آونه و اعلان ایشلری ایچین استانبول بوروسنه
مراجعت ایدیلیر .
یازی ایشلرینک مرجعی آقره مرکزدر .

صافی : ۳

آقره ، ۱۶ کانون اول ، ۱۹۲۶

۱ نجی جلد

مصابیه

علم و انقلاب

صوگ زمانلرده مطبوعه علم ایلده انقلابک
مناسبتی موضوعنه دائر بعض فکرلره تصادف
ایدیلیر . مثلاً دینیورکه « انقلاب علمه قارش
حرمتمکاردر . لاکن علمده انقلاب قارشیسنده
وضعیتی تعین ایتمه لیدر . انقلابلر علمک قاعده
لرینه ، دستورلرینه اویمق مجبوریتنده دکلدر .
علم انقلابک آرقاسندن یورومه لیدر و ساده جه
بر مشاهده جی و قیدجی کی حرکت ایتمه لیدر .
انقلاب سیرنده دوام ایدرکن علمه دوشن وظیفه
ساکت وصامت یالکنز حادثه لری تثبیت ایتمکدن
عبارت قالمالیدر . « ایلاک باقیشده بو فکرلرغایت
معقولدر . علملر شبهه سز حیاتدن دوغمشدر .
ناصل ماده یه عائد علملر تدوین ایدیلهدن اول
ماده بو توئکی کی موجود ایدیه ، جمعیه عائد
علملر تشکل ایتهدن اولده دنیا یوزنده جمعیتلر
واردی . و البته ریاضیات ومنطق ذاتاً موجود
و فعال اولان ذهنک مولودلریدر . هنوز توصیفی
صفحه سسنده بولونان معنوی و اجتماعی علملرک
حیاتک و جمعیتک سیری و حمله لری قارشیسنده
اک بویوک وظیفه لری ده شبهه سزک جمعیه عائد
هریکی تظاهره دقت ایدره ک مشاهده ومعلومات
ساحه لری کنیشه تمکدر .

لاکن انقلاب دینلن بویوک اجتماعی حمله لر
شعورسز صو جریانلری و فورطنه لر قییلندن
جانسز بر حرکت دکلدر . بشرک بومعظم حمله لرینک
شدت وقوتی افاده ایچین اکثریا طبیعتک بومهیپ
حادثه لرینه عائد کله لریک استعاره ایدیله سی اعتیادی
بعضا ذهنلری حقیقتدن انحراف ایتدیره بیلیر .
انقلابلر شدت وقوت اعتباریله اکمدهش سیلیر

آراسنده « علم » عنوانه لیاقت پیدا ایتش انسانلر
کورمه بورز . صناعی انقلاب تکنیک آدملرینک
اثریدر ؛ کونه نبرغلر ، ژاقلر ، و اقلر ، سته فه نسولر ،
فولتونلر ، هوتینی لر ، مورسلر هپ ساده جه
تکنیسیه نلردی . . . لاکن بونلرک ته کنیک
معلوماتلری غایله و طور یچه للی لردن ، قورنیک ،
نیوتون و لاووازیله ره قادر معظم بر علم هیئتک
صرف علمی ماهیتده کشفلرینه استناد ایدیوردی .
بزم انقلابمزه علمک و فلسفه نک قوتلی
بر تأثیری اولمادیغی فرض ایتک تورکلری جهانی
یوروتن فکرلردن بی خبر عد ایتک کی غریب
بر دوشونجه اولور . بعضاً « علم » نامنه اورتایه
سورولن مطالعه لر بزی شاشیر تاممالی در . کیت
وختی کیفیت اعتباریله نه قادر دکرلی اولورسه
اولسون معلومات صاحی اولمق انسانی علم صاحی
ایده مهز ، معلومات براز فلسفه له شمه ده کجه ، یعنی
تفکرده ، اراده یه ، فعله ، قیصاجه سیرت وسجیه یه
نافذ اولمادجه « علم » حالی آلاماز . علمک
ومعلوماتک اخلاقی قیمتی بو خصوصیتنده مند مجدر .
علملری کنیدیله اشیا و حادثه لری کورمک
اعتیادی ویره مه مش اولانلرک ، تفکرلرنده
دورغون و قاس قاتی قیمت قسطاسلرینه منقاد
بر اسیر حالنده بولونانلرک حکم و مطالعه لرینی
علمه نسبت ایتک علمه قارش حرمتمسزلک اولور .
دیگر طرفدن علمی ، حیاتدن آیرازق حیاتک
حادثه لری قارشیسنده اون ساده جه بر ضبط
کاتی موقعنده کورمکده انقلابک فلسفی قیمتی
انکاره واریر . بزطن ایدیورزک حیات وانقلاب
ایله علمک مناسبتی دوشونورکن بو افراط
وتقریطلردن توق ایدره ک حادثه لره داها معتدل
بر نظرله باقایه امکان واردر ، و آنجاق بو صورتله
دها سالم بر حکمه ایریشیله بیلیر .

عولی

اک قوتلی قاصیر غالر بکزر ؛ لاکن بوتون مشابته
بو قادردر . سیلر و فورطنه لر شعورسز ، انقلابلر
ایسه باشندن صوکنه قادر شعورلوردر . هر
انقلابک بر چوق حامللری واردر ، فقط بوتون
بونلرک ایچنده اک قوتلی عامل شبهه سزک بشری
اولاندر . موفق اولان انقلابلر قوتلی رهبرلرک
عاملتی ایله حرکت کایر و رهبرلرک روحنده
تکائف ایدن معشری شعور واراده ایله هدفه
دوغرو کیدر . عظیم بر بشر کتله سینه یکی بر
استقامت و یرن انقلاب رهبرلرینک علمسز حرکت
ایتمه لرینه امکان وارمیدر ؛ اکر علم ، بشرک سابق
تجربه لرینک محصله سی ایسه بونا بر آن بیله احتمال
و بریله مهز . بویوک بر بشر کتله سینه یکی بر استقامت ،
یکی بر حرکت ویره بیلیمک ایچین فردی و معشری
روحیات ، اقتصاد واجتماعیات حتی جوغرافیا
و تاریخ معلوماتندن (توصیفی ماهیتنده بیله
اولسه) استغنا یه امکان یوقدر . انقلابلری حاضر لایان
عامللر آراسنده فکری ماهیتده اولانلرک قیمتی
استصغار ایتک نه قادر یا کلش اولورسه ، انقلابلری ،
خیزنی و استقامتی منحصر ا کندندن آلان
شعورسز بر هیجان عد ایتکده او قادر خطالی
اولور . انقلابلرده ایمانک رولنه بیله لیاقتندن
فضله موقع ویرمک دوغرو دکلدر . ایمان ساده جه
بیلکی به هیجان و حرکت ویرن ، بیلکی ایله روح
آراسنده صمیمی بر علاقه تولید ایدن عنصردر .
نسبته ضعیف بر بیلکی به ایمان بر نوع قناعت
ماهیتی قازاندیر ایلیر ، لاکن بیلکی اولمادجه
یالکنز ایمان انسانی موقعیتده کورتوره مهز ، کورتوره
بیله تصادفی اولور .

صو کرا « علم » مفهومندی لایقینه تعین
ایتمه مز لازمدر . بشرک اک عظیم انقلابی ،
صناعی انقلابی ، وجوده کترین عامل علمد کیدی ؛
حالبوکه بو عظیم انقلابی « فعلاً » تحقق ایتدیر نلر



اسكى ويكى نسلڪ دوشونجهلىرى آراسندهكى فرق

استقلال حربىك مملكت بنه سنده يادىنى تأثيرى تدقيق ايتك ، تورك نور زمهره سنك دوشونجهلىرى اوزرنده برادىنى رهاكار ايزلىرى آراشدىرمى بكونكى نسل ايچون بروطيفه در . صوك انقلاب ، يالكز توركياده ذاتا مستحائنه دن باشقه برشى اولمايان برطاقم عقیده لرى سيلوب كوتورمكه قالمشدر . عىنى زمانده تورك نور زمهره سنك دوشونجه لرى اوزرنده ده عظيم تأثيرلر يامشدر . دهنيله بيليركه استقلال حربى دن اول نور زمهره نك اكثريتك حرکاته حاكم اولان فكرلر يرينه بكونكى نسلده يكي بردوشونجه طرزى ، حيات حقنده يكي برتلى ، خلاصه يكي بر فلسفه قائم اولمشدر . اعتراف ايتلىز ، بو صوك انقلابى وجوده كتيره نلر مملكت داخلنده ساده جه صوفتا ذهنيته چارپشمايدلر ، نور زمهره ايچنده برطاقلرينك فكر وقناعتلرني دكيشدبرمك ايچون ده اوغراشدلر . يالكز قرون وسطاى تلقيله قارشى مظفر اولمايدلر ، عىنى زمانده بر طاقم مفهوملره صابلاخى يوزندن وقايى ، حادثاتى كورمه ين ، غرب عالمك اون دوقوزنجى عصر ك بالخاصه نصفنده وجوده كلن فكرى تحولاتى ادراك ايدمه ين بر زمهره نك قورو علمك ده حقيقتدن نه قدر اوزاق اولدينى يك آشكار صورنده ميدانه قويدلر . اونك ايچوندركه ، انقلاب نور زمهره نك فكر وقناعتلرنده عظيم بر تحول يادى . دماغلرى بوتحوله مساعد اولمايانلرده اسكى قناعتلرينك ازىچى تأثيرى ائتنده عادتا قورويوب قالدلر .

استقلال حربى ، نورلرك قناعتلرنده نه كى تحول وجوده كتيردى ؟ دها اولكى نسل حيات حقنده ناصل برتلى يه مال ك ايدلر ؟ استقلال حربى ايچنده يتش ، او حربك وصوك انقلابك تأثيرى ائتنده قالان نسل ك حيات تلقيسى نه در ؟ بو مقاله ده اونى كوسترمك ، بالخاصه بو ايكي تاقى آراسنده هانكيسنك بكونكى علمى وفلسفى تفكراته اويغون اولدينى آراشدىرمى ايسيتورز . بر زمانك ، بر زمهره نك قناعتلرني اك زياته تبارز ايتدبرن ، واضح برحاله قويا ؛ اوزمانده يتش ، او زمهره ايچندن چيقان بويوك متفكرلر و فلسفى اثرلر يازان محررلدر . مع التأسف دها اولكى نور زمهره لى آراسنده بو درجه يوكسلىمش سويده كيمسه ده يوقدر . مثلاً ، ثروت فنون نسلى آراسنده اوزمهره نك حيات حقنده كى تلقيسى بارز و انسجاملى بر صورتده يازان بر متفكر موجود دكلدر . فقط براونلرك بارچه بارچه يازيلردن ، بالخاصه حركتلردن ، ايسلر ، كوزلكه ، حق ده دائر تلقيلردن استدلال ايدمرك حيات دوشونجه لرى ميدانه چيقارابيلير . هيچ شهبه يوق كه ثروت فنون نسلنك اكثرياده واقودىنى و هضم ايتك ايسته ديكى اثرلر اون سكرنجى عصر ك فرانزى فيلسوفلرلدر . بونلر ديدمرونك روسونك

بالخاصه ولتهرك فكرلردن بر قسمى شوبله بويله طاييورلردى . فقط ، هيچ برى لايقيه بومتفكرلرى تدقيق ايتش ، نه كى تأثيرلر ائتنده فلسفه لرى اورتايه قويش اولدقلى بيلمه يورلردى . دهافناسى ، اون دوقوزنجى عصرده كى علمى ترقياتك ، اجتماعى تحوللرك حيات حقنده ناصل برتلى ميدانه قويدىفنك فرقنده ده كيلدلر . بويله اولدقلى ايچون اورتايه قويدقلى فكرلر بو عصره انطباق ايتك جهندنه اولان تورك ملتته هيچ بر زمان بر مفكوره اولاميورلدى . بونلر بزدن آيران باشليجه وصف شونلردى :

۱ — بو نسل فرديجى ايدى ، يعنى فردايچون مجرد وطيبى بر حق فرض ايديلورلر ، سعادى بو « حق » ك تأميننده بولويورلردى . بويله اولدقلى ايچون بر نوع قوزده ويوليتك متايل ايدلر ، اونلرجه اك يوكسك جمعيت مجرد فردى « حق » لرى تأمين ايله بيلن جمعيتلردى . بناء عليه ناصل ونرده بويله بر جمعيت وار ايسه او كا مجلوب ايدلر .

۲ — انسانلى بالخاصه ، هر تورلو قيددن آزاده تفكرده كورويورلر ، سربست تفكرى انسانلنك اك بويوك نشانه سى عدايله يورلردى . بناء عليه نه مى حسلره ، نه ده حقيقى حياتك اثرى اولان اراده يه بويوك بر قيمت ويريورلردى . كنديلرني حر و راحت بيراقان هر مؤسسه قارشيسنده لاقيد قالايليرلردى . انسانلنك ايچندن كلوب طاشان سوق طيبيلرك ، حياتى قدرتلرك اهميتى بيلمه يورلر ، جداله آتيلمقده كى ذوقى اوقادار آكلاميورلردى .

۳ — بو نسل ايچون سكون اساس ايدى . واقعا سلطانلرك استبدادينه قارشى عاصى وضعيته ايدلر . فقط بو حاللرى كندى ذهنلرنده كى مجرد « حق » مفهومك چيكنمه سندن متولد بر راحتسزلك عكس عمليدى . يوقسه معين بر مفكوره نك استحصالى ايچون صرفى لازم كلن قدرتى كنديلرنده بولاميورلردى . چونكه سعادى مفكوره نك استحصالى ايچون لازم كلن مجادله ده آراميورلر ، بالعكس سكون ايچنده تفكرده كورويورلردى . سربسته دوشونمكه مساعد هر هانكى بر ساحه ايچنده ياشادقلى زمان مسعود اولاجتلى قناعتى واردى . بر زمهره نك مشترك قناعتى اونلرك ايچنده اك يوكسك شخصيته مالك اولانلرك فكرلرنده آراشدىرمى لازم كلر . « ثروت فنون » نورلربنك حيات حقنده كى قناعتلرنده بوزمهره نك اك يوكسك سياسى اولان « توفيق فكرت » ده آراماليدر . توفيق فكرت كى حياتى ، اثرلرني تدقيق ايديكز ، بو قناعتلرى بارز صورتده كورمه بيلرسكز . توفيق فكرت لساننده « حق » ك « فضيلت » ك معناسنى آراشدريكر . كوره جكسكز كه شاعر بومجرد كبلره سادى انمه بر مفهوم كى طامشدر . حق ايله جمعيتك ، فضيلت ايله حياتك مناسبتى كورمه مش ، حق جمعيتك هر هانكى بر دور تكاملنده فردلره تأمين ايله يكي بر صلاحيت ، فضيلتى حياتى قوتلندبرن بر قيمت كى تاقى ايله ممشدر .

توفيق فكرت ايچون فردلرك ايچندن كلن نه مى تحسسلرك ، نه سوق طيبيلرك ، خلاصه حياتك اك

بويوك اساسى اولان اراده نك بويوك بر قيمتى يوقدى كنديسى ايچون سربسته دوشونمكه مساعد بر محيط بولونجه عرفانى « تبديل تابعيت » ايدم بيلوردى . واقعا بو حالده ده فرياد ايله دى . آنجق بو فريادك منسوب اولدينى « جمعيت » ه مؤثر اولارق اونك يوكسلىم سنى ايسته مكدن زياته بويله بر محيط دن محروم اولان انسانلره قارشى دويدىنى مرحتك يوكسكندن افاده سى كيدى .

بوزمهره نك بعضى دماغلرينه يك ياكليش تفسير ايديلن برده « تكامل » قناعتى كيرمشدى . بونلره كوره فرد و جمعيت ، محيطك تأثيرى ائتنده بطى تحولاته اوغرايابليرلردى . شرق ده ، توركياده برطاقم اجنبى تضيقلر ائتنده تحول ايدم بيلوردى . آنجق غرب ملتربنك سويه لرينه چيقايلامك ايچون برطاقم صرحله لردن كچه جكدى . بونلر ، مى حياتك حمله سندن هيچ برشى بكميورلر ، اميدلرني هب خاريجى مؤثراته باغلايورلردى . « حيات » و « اراده » نك قدرته اينمايانلر ايچون البته بر جمعيتى ايلرله جك مؤثر آنجق خارجه ده اولابيلير .

« ۳۲۴ » انقلابى ايشته بو اعتقادده بر نور زمهره بولدى . تورلو ، تورلو فلاكتلر بو عقیده لرى صراحة تكذيب ايدلى . اووقت قوتلى بر « مليتچيلك » دوغدى . مليتچيلك ، توركچيلك بر كره كنجلىكى فرديجى اولقندن قورتارمش ، صوكرا مى حمله يه ، بناء عليه حيات و اراده يه قيمت ويرمكى اوكره تشدى . استقلال حربنه تقدم ايله ن بودورك تفكراتى اوزرنده اك چوق مؤثر اولان وعىنى زمانده اوزمانك دوشونجه لرينى تبار ايتدبرن ضيا كوك آلپ مرحومدر . ضيا بك ، زمانك تحسسانى اك قوتلى بر صورتده دويمقه قالمش ، بونلر انسجاملى بر فلسفه يه ربطه اوغراشمشدر . آنجق ضيا بكك اثرلرنده كندى شخصيتك مهم بر عنصرى وارد :

ضيا بك ، ميستيك بروحه مالكدى . روحاً مطمئن ايديله بيلمه سى ايچون قدسى بر موجوده اعتقاد ايله مكه واو وارلن ده امكان صربه سنده فردلرك فوقه چيقارمغه عادتا مجبور ايدى . اونك ايچون « وجدان اجتماعى » ي مافوق الطبيعه مجرد بر وارلق حاله كتيرمش ، اينانيلماسى لازم كلن مفكوره لره قدسيت ويرمش ، ايدم آلنه اويغون حركتده بولونان دولت آداملرني وحيه مظهر مافوق البشر اولارق كوسترمكه چالشمشدر . بوتلى مفكوره لريزه ، فردى ، طبيعى و على الاطلاق موجوداتى آيرمغه ، بونلر آراسنده رابطه كورمه مكه دوغرو كيدر . بالخاصه فردلر يك انفعالى بر وضعيته صوقار ، سوق طيبيليرمى ، شعور مزده قايناشان حياتى قوتلرى اويوتور . تنه كيم « كوزومى قاپارم ، وظيفه مى ياپارم » دستورى فرد روحنى هيچ حساب قالميان ، حقيقى ، وظيفه يى تجربه لرمز فوقندن كلن بر اصهر كى كوسترن بر دوشونجه نك اثريدر .

اك مهم حقيقت ، حيات ايله تماسدن ، تجربه دن چيقار . زمانك اك اساسلى وصفى « حقيقت » ايچون اك كنش معناده « تجربه » دن باشقا معيار قبول

تورکيات

علم حرکتی

«تورکيات» ساحه مننده يکي تدقیقلر

يالكز بزده دكل آوروپاده و روسياده ده «تورکيات» ايله اوغراشانلر ، زكي وليدي بکک بو ساحه ده کی قیمتی مساعيسنه پک اي واقفدرلر . مختلف وسيله لرله له نين غراد ، اورته آسيا ، مشهد ، کابل کتبخانه لرنده چالشمق فرصتنه نائل اولان و صوک سنه لرده برلين وپارس يازمه لر خنده اطرافلجه تدقیق ايدن زكي وليدي بک ، برسنه دن بری استانبول کتبخانه لرنده يورولق بيلمز برغرته چالشمقده ده . تورکيات ساحه سننده بوتون آوروپا و روسياده ياپيلمش تدقیقاته اطرافيله آشنا اولان و بخصوصه پک چوق يکي و قیمتلي منبعلرده الده ايدن زكي وليدي بک ، استانبول کتبخانه لرنده ده بریغين معلومات خزنه لرته تصادف ايتش و بونلری اخيرا «استانبول کتبخانه» لرنده کی قیمتدار اثرلر «ناميله آلتی بوز حقیقه لک بويوک برجلده طوبلامشدر . تورکيات تدقیقلری ایچون برچوق ساحه لرده يکي يکي افقلا آچاق و شیمدی به قدر مجهول و مغلق قالش برطاقم مسئله لری آیدینلاته جق ماهيته اولان بوچوق قیمتلي اثرک برآن اولانتشاری بوتون قلبله منی ایتکده يم . بويوک بردقت واستفاده ايله ، مسوده حالنده او قومق فرصتنه نائل اولديم بو اثرک انتشارينه انتظاراً ، شیميدن ، زكي وليدي بکک الده ايتدیکی علمی نتیجه لری تووکیه علم طالنه طابیتق ایستورم . «بارتوله» و «مارقووارت» کی بويوک عالمک دهرين برعلاقه کوستردکلری بو چوق مهم کشفلرک ، تاریخ ولسانیات ايله آزچوق علاقه دار اولان هرکس طرفندن اهیتله تلی اولونده جغندن امیم .

يالكز تورکلرک دكل عمومیتله آسیا اقوامنک اسکی تاریخ و جغرافیالری حقنده اک موثوق اسلام منبعلرندن بری وبلکه ده برنجیسی ، «ابوالریحان بیرونی» نک اثرلریدر . زکی بک اونک شیمدی به قدر معلوم اولایان بر اثرینک هجری ۴۱۴ ده «غزنه» ده مؤلف خطیله یازیلش نسخهنی بولش ، و بورادن «آمودریا» نک اسکی مجراسی و بونهر حوضه سنک اسکی ساکنلری حقنده هیچ بکله عین معلومات الده ایتشدر . اوروپا علم عالمی اوزون مدتدن بری اشغال ایدن بومستله ، بو اثر سایه سنده آرقتی آکلاشیلا بیلیور : اسکی یونان منبعلرینک «جیحون : آمودریا» نک آشاغی مجراسی حقنده ویردکلری معلومات ، بکونه قدر اوروپا عالملری طرفندن قبول ایدیلیوردی . هالبوکه «بیرونی» نک بو اثری سایه سنده ، او

تفکراته اک اویغون اولانیدر . انسانیتک تفکراتی تاریخنه باقیلیرسه برطاقم اساسلی محورلر آیرمق ممکن اولور . مثلاً ، اسکی یونانلیلرده بالخاصه تهله آتله باشلايان فکری و فلسفی جریان عالمده کی تنوع و تحولک اساسنی تشکیل ایلین «وارثی» وجودی «آرامق» محوری اطرافنده دوندی . قرون وسطانک فلسفی تفکری الهیک صفاتی شرح و ایضاح ایتک چرچیوه سی ایچنده قالدی . رونه سانس فیلسونلری حادثاتی «طبیعت» دیدکلری و پک تعمیق ایلده دکلری بر مفهومه ربطه چالیشدیلر . اون یدنچی عصر فیلسونلری حادثاتک اساسی اولان «جوهر» ک ماهیتنی آراشدیروب دوردیله . اون سکزنچی عصر فلسفه سی واقعاتی عقلی مبدألره رجاع ایلک ، حادثاتی فکر چرچیوه سی ایچنه صووق اساسنه مستنددر . اون دو قوزنجی عصرده درکه حیاتی علملرک ترقیسی سایه سنده شاییتی مجرد فکر چرچیوه سی ایچنه صوقانک ، عادتاً اوراده دو گدیروب برافانک دوغری اولمادینی آکلاشیلدی . بالکس عقل و فکرک ؛ شاییتک ، حیاتک اثری اولدینی میدانن چیقدی . بو عصرده درکه ، انسانده اک مقدم ، اک اساسلی وصفک عمل اولدینی تظاهر ایتدی .

فکر ، عمل ، حیاتی تنسیق ایتدکجه ، اونک یولنی آیدینلاتان برقوت اولدقجه قیمتق واردی . یوقسه تفکرا و کاحاکم اولغه ، اونی ضبط ایلکجه ، ضعیفتمکجه قالفارسه فائده سنی تماماً غائب ایلر . «حقیقت» ک ، «فضیلت» ک ، مفکوره اولماسی ، حیاتی قوتلندیردیکی زکی نشلشدیردیکی ، اراده یی عمله اک چوق صالح ، جمعیه اک چوق مؤثر برحاله صوقدینی نسبتنده در . بونلرک قیمتق تقدیر اعتباریله فردایچون باشقا معیار موجود دکلدر . «کویو» «نیچه» حتی حمله حیات نظریه سیله «برغسون» «جیمس» . . . الخ هپ بوجریانک ممثلی اولدیلر .

کورولیورکه استقلال حربنک تربیه سی آلتنده یتیشن نسلك حرکاتی اداره ایدن آز و یا چوق شعورلی مبدألر ، غریبه فلسفی تفکراتک واردینی نتایجدر . يالكز بونسل بوتون بونلری کتابدن دکل تجر به لرله ؛ یاشامق ایچون سنه لرجه قدر تلی برصورتده چار پیشرکن اوکره ندی . اونک ایچوندرکه بونسلک عقیده لری صاغلاندر . اونک ایچوندرکه ، يالكز دوشونمکله قالمایورلر . دوشونجه لری فعل واراده حالنده تظاهر ایده بیلیور . ده اولکی نسل عقیده لرینی کتابلرده آراشدیردیلر ، پک چوق زمان حیاته کوز بومدیله .

شیمدی اویله بر متفکره احتیاجز وارکه استقلال حربی نسلنک تجر به دن ، حیاتدن اوکره ندکلرینی بر سیستهم ، بر منظومه افکار حالنه صوقابیلین ، طبیعتک قانونلریله برلشدیریرک برکل حالنده ایضاح ایده بیلین . بوسایه ده تجر به نک ویردیکی بوقناعتلر فردلرک بوندن صوکرکی حرکتلرینه مؤثر ایمانلر حالنه کله بیلین . تورک ملتی کندی ایچندن بویله بر متفکر ، بویله بر فیلسوف بکله یور .

محمد امین

ایتمه میسیدر . تورک کنجلیکی دشمن تعرضی قارشو سنده ملی حیاتی قورنارمق ایچون جهاده کیرنجه اک کنیش بر تجر به ساحه سی بولمشدی . دیگر جهندن حیات و ممت مصارعیه سی انسانلک اک اساسلی قابلیتک نه اولدینگی کوستره شدی . اونک ایچون استقلال حربی کنجلیکی دوغروندن دوغرویه طبیعت و حیات ایلهماس ایتدیرمشدر ؛ ماضیدن منقل ، مجرد نظریات بوجدالده ایشه یارامانجه باطبع صاریلیمش ، تجر به نک یاشایشک تلقین ایلدیکی «حقیقت» لر یراشمکجه باشلامشدر بویله جه بکونکی نسل یاواش یاواش ماضیدن آیریش ، آز و یا چوق شعورلی یکی تمایلره وعقیده لره صاحب اولمشدر . کنج نسله تلقین ایلجه حکمز اعتقادلر بو تجر به نک بزده دوغرو لغنی کوستردیکی حقیقتلر اولابیله .

استقلال حربنک بزده اوکره ندیکی اک عمومی و فلسفی حقیقتلر بالخاصه شونلردر :

۱ — انسانلک قدرتی «اراده» در . فکرلر اعمالدن ، حیاتدن اول واونلرک حاکمی دکلدر . بالکس فکرلر من عمللرندن ، حیاتدن دوغار . اونک ایچون بر فکر نه دوجه اراده قدرتی آرتیریور ، حیاتی قوتلندیریور ، اعمالی تنسیق ایلجه بیلیورسه اودرجه دوغوردر .

۲ — مادامک اراده و عمل اساسدر . انسانانی بکسلتهن ساده جه تفکر دکل ، عمل و اراده در . چونکجه فکرک دوغرو لغنی ، بزی طبیعت و جمعیت اوزرنده مؤثر یایدینی زمان آکلاشیلر . دوغرو فکرلر ، سوق ایتدیکی ایشلری یاپارکن بزی موفق ایدن ، یکی تجر به لرله تکذیب اولونمایان دوشونجه لدر .

۳ — اراده اساس اولونجه یاشامانک غایه سی اونی تقویه ایتک ، حیاتی زکی نشلشدیرمکدر . مدیتنک درجه سی شدت حیاتی آرتیره قله قائمدر . حیاتک شدتی آزالتان هر عقیده مضردر . اونک ایچوندرکه دینی کسویه بورون بعضی اعتقادلر حیاتک شدتی آزالدینگی ایچون یاکلیش و تهلیکله یلدر .

۴ — فرد اجتماعیلشدکجه شدیدوزکیکن برحیات یاشار . اک قوتلی اراده اجتماعی و ملی بر مفکوره نک قوتله حس ایدیله سنندن دوغار . شدید بر حیاتده قوتلی بر اراده نک اثریدر .

۵ — سعادت اراده در ، بناء علیه مسعودیتی قوتلی عمله ، شدید برحیات یاشامقده آراملیدر . سکون ایچینه قالمی ایستهمکله حقیقی سعادتک ، قوتلی حظک دشمنی اولورز . مفکوره بزی عمله قوتله سوروکله یجکی ایچون سعادت اجتماعی برایدک آل آرقاسنده قوشمقله استحصال ایدیلر .

استقلال حربنک اوکره ندیکی بوحقیقتلر بر تورک متفکری طرفندن بر برسنه مربوط فکرلر حالنه قونولور ، طبیعتک و تاریخنک قانونلرینه توافقی کوستریلیرسه یکی نسلک انسانایله یجکی فلسفه میدانن چیقار .

ذاتاً بو طرزده دوشونجه ، غربک بکونکی فلسفی